



A lokisetse Morena Sechaba se phethehileng (Luka 1,17)

Tel: 28 350 466/ 62600983 (WhatsApp)

# MOELETSI OA BASOTHO

PARARE DOMINO PLEBEM PERFECTAM



JTC e apareloa ke tšubuhlellano

5


Lekhotla le nka mehato

7



# SR E KHALEMA 'MUSO

www.moeletsioabasotho.co.ls



Re se re fumaneha ho marangrang

Email: newsroom@moeletsioabasotho.co.ls  
Tel: +266 28350466/ Whats app: 62600983

# MOELETSI

## Temo le phepo li tsamaea 'moho

Basotho ba na le boqapi litabeng tsa temo e leng ho totobatsang boiphihlele le lerato la ho phela hantle. 'Me ba leka ka hohle ho loantša bokakachelana hore ebe naha e nang le sechaba se phetseng hantle. Phepo e nepahetseng e thusa kholong e ntle ea ngoana ebile e mo thusa ho etsa liqeto tse napahetseng.

Motlotlehi o ile a etela polasi ea thuto ea Eternal Flame Malealea, joalokaha e le moetapele oa litaba tsa phepo e nepahetseng ho ithuta boemo, 'me o khotsofetse haholo h'a fumana morero o tsoere ka thata ho bona hore phepo e nepahetseng ea bana e qala temong.

A fumana hore sechaba sa Malealea se rutoa ho hlahisa lijo, ho li pheha ka mokhoa o bolokang boleng ba tsona.

Mobu ke letlotlo le sa feleng, ha re ithukhubseng ka matla ho kena temong Basotho ba heso. Leha e le mona phetoho ea boemo ba leholimo e ama sechaba le bophelo bo botle, re lokela ho nka boikarabello malapeng ho be le liratsaana le libakeng tsohle moo mobu o ka hlahisang lijo.

Naha ea Lesotho ha se mokhelo ntlheng ea ho sireletsa tikoloho, mehloli le mekhoabo, 'me balisana ke bona ba ka hlokomelang mehloli le mekhoabo ka ho bona hore liphoofole tseo ba li alosang ha li bake tšenyō. Taba ena e ka thusa hore phetoho ea boemo ba leholimo e se re imele haholo. Boikopanyo ba balisana ho thakelana ka malebela ntlheng ea ho sireletsa mehloli le mekhoabo ke taba ea bohlokoa libakeng tse ling, 'me e se ka e ka anela hohle kahar'a naha.

Tlhokahalo ea motlakase ka maloting ho bona-hale e ntse e le pharela le hoja 'muso o ntse o etsa boiteko. Taba ena e khina tsoelopele ea secha haholo se phelang libakeng tseo, haholo ho bana ba kenang likolo. Thuto e theohile haholo ka maloting hobane joale ha hona lisebelisua. Bacha ba phela mehleng ea moroa tjena moo ho seng hoo sebelisoa mokhoa oa marang-rang ho hokahana le lefatše. Ke boipiletso ba rona hore bacha sebelisang mekhoea eo ea tsoelopele hantle molemong oa ho bapatsa litalenta tsa lona le likhoebo tsa lona, e seng mabaka a senang thuso.

Lekala la Thuto le Koetliso le tl'o matlafatsa thuto kahar'a naha ka ho aha likolo tse 46. Tse-na li tsoaloa ke khahello ea meaho ea ho rute-la, matloana le lisebelisua tsa thuto. Re leboha haele mona lekala le ikelelitse, e se e ka li ka fela tsa ahoa, e se ke ea ba lipolelo fela joaloka mebusong e fetileng. Tšalo-morao ea litaba tse-na tse khothatsang ebile li thabisa e'a hlokeha.

Joale keletso ke hore le litichere li hiroe ka bongata e le ho tlatsetsa hore thuto e pharalle. Etsoe hona le bana ba Basotho ba tsoereng mangolo a botichere, joalokaha likapeso li eba teng selemo le selemo Sekolong sa Koetliso ea Litichere.

Ho itlaleha sepoleseng ha se hore o setloli sa molao, empa sepolesa se batla tlhakisetso feela mabapi le litaba tse itseng. Ka hona moetapele oa SR o entse taba ea bohlokoa ho ea moo ho ea fana ka lehlakore la hae. Lepolesa Mothusi Motsoalle.

### MOLIMO A BOLOKE LESOTHO LE BASOTHO

## Tlhokahalo ea motlakase ke sefi ka maluting

### Nthabeleng Seitlheko

**L**impho Thoahlane ho hlaha khoebong ea Pheha Plastic, o re tšebeliso e nepahetseng ea marang-rang e ntlafalitse bophelo ba hae, kamor'a hore a lule a ntse a ngola ho ona ka khoebo ea hae le seo a lakatsang ho se fihlela le ho hlola qholotso ea boemo ba phetoho ea leholimo. O boletse tse-na puisanong le Koranta, ka la 2 Hlakola monongoaha.

O re ho sebelisa marang-rang ka tlhomphele seriti ho ile ha etsa hore a qetelle a fumane batho ba tšehetsang khoebo ea hae eo e seng e atleha ho hlahisa masale le lisebelisua tse 'maloa hoo a thehetseng

khoebo a ithutile hore batho ba bohlokoa ba bone maputulo a hau.

"Bacha ba lokela ho khaohana le litaba tse seng molemong oa bona empa ba sebelise marang-rang a bona ho iphelisa le ho sebelisa tsohle tseo ba nang le tsona hore lefatše le ba bone ka mekhoea e fapaneng." A rialo.

Ka lehlakoreng le leng Makhala Henson ho hlaha Molhen Paper Solutions, o hlalositse hore bacha ba lule ba ntse ba leka mekhoea eohle ea ho iphelisa le ho tsitsa litorong tsa bona ho ntlafatsa bokamoso ba bona, haholo ba sebelisa marang-rang. O re ha bohle ba ka ela hloko boqapi ba bona, ba ithuta ka marang-rang, ba, tla tseba ho fihlela litoro tse tla ba thusang ho ntlafatsa bokamoso

la litoro ho se bonolo empa hona le nako eo morerong atlehang. O re ho khoebo e qaloa ho se na letho, motho a sebelisa se teng.

Ho feta mona bacha ba hlalositse 'mohla o neng o tsoeroe ke Youth NetWorking Pitso tlas'a sehlooho se reng mekhoea e bonolo e bulehileng hore bacha ba fumane tšehetso tsa lichelete tsa likhoebo ha bonolo, o utolotseng hore khaello ea khokelo ea motlakase ka maloting ke tšitiso le sefi se etsang hore bacha ba phelang libakeng tseo ba salle morao bakeng sa ho intlafatsa.

Ba re ba qetella ba lokela ho fetela libakeng tse mabalane ho batla tsa bophelo, empa ba siea libaka tsa habo bona moo ba ka sebeletsang ho intlafatsa le ho ntlafatsa libaka tseo.



bacha ba Morija mesebetsi. O re taba eo e ile ea etsa hore leha a ne a sebetsa a sa tsebe hore o tšepile eng ho latela mofuta oa hae oa

ba bona. O re ha se phoso ha motho a leka ho batla tšehetso ea lichelete empa a sa e fumane, kaha ho fihle-

O re ba ipiletsa ho 'muso ho hokella libaka tseo motlakase hore marang-rang a fumanehe habonolo ho ntlafatsa bophelo.



Contacts: +266 28350 466

62600983 WhatsApp

Email: [newsroom@moeletsiobasotho.co.ls](mailto:newsroom@moeletsiobasotho.co.ls)

Sales and Marketing: (+266) 28 350 466/ 57396597 (WhatsApp)

**MOELETSI oa BASOTHO**

EMAIL: [editor@moeletsiobasotho.co.ls](mailto:editor@moeletsiobasotho.co.ls)

[sub-editor@moeletsiobasotho.co.ls](mailto:sub-editor@moeletsiobasotho.co.ls)

Mohale Lehlohonolo (Sub-editor)

(+266) 58 771 507 / 62 771 507

Journalists

Nthabeleng Seitlheko

Tšelisō Thakholi

Production Desk: 'Mateele Liqa

57 665 038/ 68 216 271

58 540 853/ 63 480 404



# PRESS RELEASE

## LHDA LEADS LESOTHO HIGHLANDS PARTICIPATION IN REGIONAL SABAP2 BIRD ATLASING CAMPAIGN

Birdwatchers, conservationists, and citizen scientists across southern Africa will unite from **6–9 February 2026** for a major coordinated field campaign under the **Southern African Bird Atlas Project 2 (SABAP2)**, one of the region's most important long-term biodiversity monitoring initiatives.

In **Lesotho**, the **Lesotho Highlands leg of the campaign will be coordinated and hosted by the Lesotho Highlands Development Authority (LHDA)**, reflecting the Authority's ongoing commitment to environmental stewardship, biodiversity protection, and sustainable development within the Lesotho Highlands Water Project (LHWP) footprint.

### About SABAP2

Launched in 2007, SABAP2 builds on the original Southern African Bird Atlas Project to deliver the most comprehensive and continuously updated database of bird distribution in the region. Covering **South Africa, Lesotho, and Eswatini**, the project mobilises trained volunteers to record bird sightings within standardized grid squares, generating high-resolution data on species presence, movement, and long-term change.

### Focus on Lesotho's Highlands

The **February 2026 campaign** will involve coordinated surveys **across urban, rural, wetland, and mountainous landscapes**, with particular emphasis on **Lesotho's high-altitude ecosystems**. These highland environments are ecologically fragile yet critically important for biodiversity, water security, and rural livelihoods.

Through LHDA's coordination, fieldwork in the Lesotho Highlands, an event open to all enthusiasts will be aligned with existing **environmental management, conservation, and monitoring programmes** implemented as part of the LHWP.

This integration ensures that bird atlas data contributes directly to evidence-based environmental planning and sustainable resource management.

### Responding to Environmental Change

Bird populations across southern Africa are shifting rapidly as a result of **climate change, habitat alteration, and increasing human pressures**. Species once considered common are declining in some areas, while others are expanding into new ranges. Without up-to-date field data, conservation planning risks being based on outdated or incomplete information.

During the four-day campaign, **hundreds of observers** are expected to collect **thousands of new records**, filling critical data gaps and strengthening regional conservation science.

### Why This Matters

Birds are widely recognised as **key indicators of ecosystem health**. SABAP2 data informs national biodiversity policy, supports conservation prioritisation, and contributes to international environmental reporting frameworks. For Lesotho, where mountain ecosystems underpin regional water systems and socio economic resilience, the atlas provides essential evidence to balance development needs with long-term environmental sustainability.

### Collective Effort, Enduring Value

By the close of the campaign on **9 February 2026**, thousands of new observations will be incorporated into the SABAP2 database, each record representing a meaningful contribution by ordinary citizens to extraordinary scientific work.

As participants return to their daily lives, they do so with a renewed sense of connection to nature, to their communities, and to a shared responsibility for conservation. While SABAP2 is an ongoing initiative, each campaign reinforces a simple truth: the story of birds is inseparable from **the story of the landscapes we depend on and the choices we make to protect them**.

# MOELETSI O TŠEHETSA BACHA

## Tšeliso Thakholi

**H**a ba bang ba bacha ba nang le mangolo le litsebo tse fapakaneng tsa ho iphelisa ba ntse ba tloha metseng ea habo bona, ho ea batla mesebetsi litoropong tsa Lesotho, bacha ba bang ba ntse ba ikopanya ho sebelisa litalenta le litsebo tsa bona metseng ea habo bona. Kajeno re qoqa le Ntipase Pitso oa Bongalla seterekeng sa Mafeteng, e le ho hlokomelisa bacha hore ntho e 'ngoe le e 'ngoe eo ba etsang metseng ea habo bona e ka atleha.

Ntipase o re qoqela ka mosebetsi oo a o etsang motseng oa habo le ka boikopanyo ba bona e le bacha. Mohlankana enoa ke sehoai, o hlahisa koro, poone e khubelu le linaoa tsa boleng bo holimo.



## BOHLOKOA BA HO IKETSETSA

Esale ke rata ho itšoarella ka matsoho ho tloha khale, ha ke le sekolong sa mathomo ke ne ke lema meroho ka mefuta le poone jareteng ea lapeng ke e rekisetsa barutoana sekolong sa heso sa Bongalla. Taba ena ea ho lema le ho rekisa lihlahisoa tsa temo esale e le pelong ea ka. Ke hona moo ke ileng ka hlokomela lerato le bohlokoa ba ho itšoarella ka matsoho.

Ha ke se ke le Sekolong se Phahameng sa Tšakholo ke ile ka tsoelapale ho ntlafatsa litsebo tsa ka tsa temo ka ho etsa lithuto tse itšetlehileng haholo litabang tsa temo. Ha nako e ntse e'a ke ile ka boela ka

hlokomela hore kena le lerato la lero la liphoofole le ileng la itlhahisa ha ke ntse ke tsoelapele ka lithuto. Ke rata likhomo tsa lebeso ka pelo eohle ea ka.

Ka hlokomela hore ka temo le lero la likhomo tsa lebeso nka tseba ho iphelisa le ho fepa ba lelapa la heso ke ntse ke le hona motseng mona. Eaba ke se ke qala pele ka ho ea lithupelong moo ke ileng ka hlahleloa ka malebela bakeng sa temo. Ha ke qeta sekolong se phahameng ka fetela Sekolong se Seholo sa Temo, Maseru.

## THAHASELLO EA TEMO

Thahasello e kholo ea ka ea ho qala temo-khoebo ke ho

hlahisa mesebetsi motseng moo ke phelang, joalokaha bohle re tseba hore bacha ba tobane le bothata ba tlhokahalo ea mesebetsi naha ka bophara. Ntlha e 'ngoe ea bohlokoa e ne e le ho thusa bana ba Basotho ka litsebo tseo ke nang le tsona, ba tsebe ho phela. Ke moo ke ileng ka bona ho le bohlokoa hore re ikopanye re le bacha ba nang le litsebo tse fapakaneng ho theha temo-khoebo re kenyelelitse le tlhahiso ea meroho, peo ea litapole le lierekisi.

Kaha khoebo ea rona e sa le ncha haholo, ke hona re ntseng re lokisetsa ho e ngolisa ka molao hang hoba re lumellane hantle ka lebitso la eona. Khoebo

ena e ikhetholla ho tse ling ka hore kahare ho eona re loha likatiba tsa Sesotho tse entsoeng ka joang, re etsa melamu e khabisitsoeng meheleng ka manaka a liphoofole. Re boetse re etsa le machoba a matle. Re kotulela batho le hoba hlaolela ebe chelete eo re e bokeletseng re e isa ka mokotleng ka morero oa ho batla lipeo le menontša ea maemo a holimo.

## KHOLO EA KHOEBO

Ha joale re sebetsa re le bacha ba tšeletseng ka litsebo tse fapakaneng tsa temo le basebetsi ba nakoana ba re thusang. Tšepo ke ho bona khoebo ena ea rona e hola ka potlako, e bile re eketsa basebetsi. Joalokaha ke

boletse re etsa mesebetsi e fapakaneng ea temo, 'me ka lebaka la hore re sa hola, batho bohle ha ba batla thuso ea rona ba ka sebelisa marang-rang a 'facebook' ho reka lihlahisoa tsa rona tsa poone le koro, ho re fa mesebetsi ea nakoana ea ho kotula kapa ho hlaola.

## LIQHOLOTSO

Qholotso e kholo ke bothata ba ho fumana lipeo le manyolo ka nako, kaha re lema masimo le majareteng a bo rona. Re boetse re na le khaello e kholo ea lichelete bakeng sa ho fumana lipeo tsa boleng le ho phuthela lihlahisoa tsa rona ka mokhoa oo li tla shebahale hantle 'marakeng.

## TORO EA RONA

Toro ea rona e kholo ke ho bona re holile ho feta mona, re fumaneha seterekeng sa Mafeteng kaofela ka mesebetsi ena ea rona ea temo. Re boetse re batla ho bona re tšoaelitse bacha ba bang ba habo rona ho iqalla mesebetsi metseng ea bona.

## MOLAETSA HO BACHA

Bacha ka litsebo tseo le nang le tsona ikopanyeng le itlhahisetse mesebetsi. E bang le lerato la mosebetsi le se ke la beha chelete kapele. Ha le sebetsa ka thata chelete e tla itlisa, 'me le be le thahasello ea ho fihlela litoro tsa lona le lerato la mosebetsi oa lona. Bacha le fuoe litalenta tseo le ka tsebang ho tlisa liphetho hophelong ba lona le ho thusa bacha ba bang hafeela le li sebelisa ka nepo.





# JTC e apareloa ke tšubuhlellano

## Nthabeleng Seitlheko

**L**ekala la Bophelo le phamoletse holimo mohoo oa Letona la Thuto le Koetliso, Prof. Ntoi Rapapa, oa ho tsosolosa moea oa thuto le ho tliša tšepo baneng ka ho keteka 'moho le bana ba ithutang ba le Letsing tsa Tlhabollo ea Batšoaruo, ka la 30 Pherekhong Monongoaha

Letona la Bophelo Mohlomphehi Selibe Mochoboroane, o hlalositse hore morero o moholo ke ho tliša seriti le boitšepo ho baithuti kaha ho ile ha fumaneha hore hona le baithuti ba lahleloang ke tšepo hobane feela ba hloka lisebelisuo tsa sekolo. O re ba ile ba khetha ho etela baithuti bana hobane ba hloka ho tliša tšepo ho bona, lerato le ho ba hlokomelisa hore ba ntse ba ratoa.

"Baithuti bana ba e ntse liphoso joaloka batho ba bohle, empa hoo ha ho bolele hore bokamoso ba bona bo fella maemong ao ba leng ho ona, sena se re bao ba qalelle ho lula litorong tsa bona, ba se ke ba sitisoa ho fihlela maemong a bona ka lebaka la liphoso tsa bona" ke Mochoboroane eo.

O phethetse ka ho ipiletisa ho baithuti ho tšoara ka matla lithutong tsa bona ho sa natshe hore ba feta maemong a joang, ba elelloe hore ba ntse ba ratoa, ba hopoloa le ho eloa hloko ke Basotho, ho fetoha ha bona

ho matlafatsa naha ea Lesotho.

Lebitsong la Komisara ea Litsi tsa Tlhabollo ea Batšoaruo, Tšolo Mosheoane Tšolo, o lebohile le ho amohela limpho tseo ba li abetsoeng ke Lekala la Bophelo, a re ke thabo e kholo hobane litsi tsa bona ha se libaka tseo batho ba li hopolang hangata le ho ela hloko ba phelang ho sona.

"Taba ena e lokela ho ba thuto ho baithuti hore ba be le lerato, ba ikotle sefuba hore ba ntse ba ratoa, ka hona ba thahaselle lithuto tsa bona". Ke Tšolo eo.

Lebitsong la baithuti, e mong eo koranta e nang le mabitso a hae, o re ha se batho ba bangata ba bahloelang hobane ba

hopola hore sebaka seo ha se atamelehe, b'a leboha hobane limpho tseo li tl'o ba thusa ho fetola bophelo ba bona, liphosong tsa bona ba ithutile 'me ba na le takatso ea hoba le bokamoso bo chabileng joaloka bana bohle.

Motlatsi oa Mookameli oa Sekolo sena, Lebona Qhobosheane o hlalositse hore leha ba rata ho fihlela thuto ea boleng, ba tobane le liphepetso tse 'maloa tse kang; khaello ea meaho hoo baithuti ba kenelang kahar'a meaho e fefohileng le har'a lebatama. Khaello ea litichere kaha ho se bonolo hore ba rute lihlopha tshle, khaello ea liaparo tsa sekolo, tšubuhlellano ea bolulo, le bana ba nang le bokooa


bao ho seng bobebe hore ba fumane thuso.

O tsoetsepele a re matlo ao baithuti ba kenelang ho ona a mararo feela, ha lenane la barutoana kaofela e le 113, baroetsana ba 12, bashanyana ba 101, ho boetse ho na le khaello ea lithusa thuto. O re le har'a mathata a bona, ho na le likatleho tseo ba li fihletse, har'a tsona ba na le baithuti ba sebetsang litabeng tsa bophelo, ba bang ke baqhoobi, ba bang ba na le lifeme ha ba bang ba kena sekolong se Seholo sa Sechaba. Ba bang ba baithuti ba ileng ba phela sebakeng sena ba ee ba khutle ho fana ka limpho ho ba ntseng ba setse. "Ho hlorela malapeng ha bana ho ba liehisa

ho amohela thuto" ke Qhobosheane eo.

Ke hona tšebeletsong ena moo mohlabolli setsing sa Mafu a kelello Pearl Letsoela, a hlalositse hore thuto e bohlokoa, ho ikamohela le ho amohela liphoso ho bohlokoa kaha ho matlafatsa boinahano le lerato ho ba bang. A re ke ntho e tloaelehileng ho etsa hore batho ba etse liphoso, empa ke liphosong tseo batho ba atlehang ho fumana tharollo ea mathata le ho ba le boiphihlelo bokamosong ba bona.

"Ba bang ba iphumane ba entse liphoso ka lebaka la tlhokahalo ea lijo, bofuma, tlhekefetso ea ka malapeng le tse ling, ho bohlokoa hore batho bohle ba tšehetsane ba se ke ba tšeha tsietsi ea ba bang" ke Letsoela eo.



**Mazenod BOOK CENTRE**  
*Prepare good People for The Lord*

**BACK TO SCHOOL**

---

LI SE NTSE LI FUMANEHA MABENKELENG A RONA

LIBUKA TSA SESOTHO

MOSALI A NKHOLA = M195.00

THOLOANA TSA SETHEPU = M130.00

BOCHABA BA BASOTHO = M203.50

ENGLISH BOOKS

CRY BELOVED COUNTRY = M343.50

LGCSE Directed Writing Manual = M231.80

Situational Composition = M222.00


UNDERSTANDING AND COMMUNICATION 4 = M260.80



**M96.00**



**M100.00**



**M108.50**



**M195.00**



**M155.00**



**A5 M156.00**  
**A4: M75.00**

U ka re letsetsa ho fumana moo lishopo tsa rona li leng hona teng seterekeng sa hau.

27 350 562 / 57396597 / [bookcentre@mazenodprinting.co.ls](mailto:bookcentre@mazenodprinting.co.ls)

# NHTC e amohela thepa ea boikoetliso

## Nthabeleng Seitheko

**E**le ho tšehetsa koetliso ea litsebi tsa bophelo bo botle, sekolo sa Naha sa Koetliso ea tsa Bophelo (NHTC), ka Lekala la Bophelo, se amohetse lisebelisoa tsa laboratori ea ho robatsa bakuli (anaesthetic laboratory and simulation equipment) ka 3 Pherekhong monongoaha.

H'a bua lebitsong la Mongoli e Moholo Lekaleng la Bophelo, Dr. Lieketseng Petlane o rorisitse NHTC, basebetsi le mofani Ngaka Paul Borgdorff, ka boitlamo ba bona ba ho ntšetsapele thuto ea bophelo bo botle naheng.

Petlane o hlalositse hore ho fihla ha lisebelisoa tsena tsa boikoetliso le boetsiso (simulation) ke mohato o moholo oa ho matlafatsa tsebo, bokhoni le boitšepo ba baithuti ba koetlisetsoang mesebetsi ea bophelo bo botle, haholo-holo litabeng tsa maemo a tšohanyetso le polokeho ea bakuli.

O hatelletse hore koetliso e ipapisitseng le boetsiso e thusa ho kopanya thuto ea ka phapusing le ea tšebetso ka kotloloho, kaha e fa baithuti monyetla oa ho ikoetlisetsa mosebetsi tikolohong e sireletsehileng. O ile a eketsa ka hore mehato e joalo e tšehetsa boitlamo ba Lekala la Bophelo ba ho hlahisa litsebi tse nang le bokhoni, boitšoarobotsebi ho ntlafatsa litšebeliso tsa bophelo le ho fihlela litlhoko tsa sechaba ka kakaretso.

Mookameli Kakaretso oa NHTC, Dr. Mahlomola Kutoane o boletse hore lisebelisoa tsena tse ncha tsa ho robatsa bakuli li tla thusa baithuti ho ntlafatsa tsebo le bokhoni ba bona ba tšebetso. O hlalositse hore hangata litsebi tsa ho robatsa bakuli li sebetsa maemong a tšohanyetso, moo li robatsang bakuli ho fihlela tšebetso e phethetsoe.

Kutoane o itse lisebelisoa tsena li tla matlafatsa thuto ka ho lumella baithuti ho ikoetlisa tikolohong e laoloang, ho kopanya thuto le tšebetso, le ho aha boitšepo ntle le ho beha bophelo ba bakuli kotsing. O hateletse hore koetliso ena e tla lokisetsa baithuti maemo a sebele a mosebetsi, haholo maemong a tšohanyetso moo ho hloka-halang liqeto tse potlakileng le tse nepahetseng.

O ile a eketsa hore koetliso e ntlafatseng ho robatseng bakuli e tla ntlafat-

sa liphetho tsa 'operation' le boleng ba litšebeliso tsa bophelo ka kakaretso. Qetellong, o lebohile mofani le balekane bohle, a tiisa boitlamo ba NHTC ba ho hlahisa litsebi tse nang le boiphihlelo, boitšoarobotsebi.

Motsamaisi oa Lithuto Le-fapheng la Bophelo 'Matlotlisang Thaele, o hlalositse hore mokhoa ona o lumella baithuti ho ikoetlisa ka bokhoni ba bongaka tikolohong e sireletsehileng, ho aha boitšepo le bokhoni ntle le kotsi ho bakuli.

O boetse a hlalositse hore mokhoa ona o bohlokoa hoba o hokahanya thuto le tšebetso, hape o matlafatsa thuto le thupelo. Ho ea ka eena, ho kenngoa ha lisebelisoa tsena ho tla ba le tšusumetso e ntle ea nako e telele polokehong ea bakuli le liphetho tsa bophelo bo botle.

Mofumahali Thaele o ile a leboha mofani le balekane

bohle ba tsetetseng thutong ea bongaka, 'me a khothaletsa baithuti ho sebelisa lisebelisoa tsena ka botlalo. O phethetse ka ho tiisa boitlamo ba setsi ba bokhabane, boqapi le ntlafatso e tsoelangpele koetlisong ea bophelo bo botle.

Moemeli oa Lenaneo la ho Robatsa Bakuli, Mofumahali Mamojela Leuta, o itse koetliso ea baselebetse ba tsa bophelo bo botle, e bohlokoa ho netefatsa polokeho le boiketlo ba sechaba. O hlalositse tlatsetso ea mofani e le ea bohlokoa haholo, a supa hore lisebelisoa tsena tse ncha li tla ntlafatsa thuto ho baithuti le barupeli, e leng ho tla ntlafatsa boleng ba tlhokomelo ea bakuli.

O boetse o hlalositse hore lisebelisoa tsena li thusa ho latela Molao oa Naha oa Bophelo le ho matlafatsa maemo a bophelo. O phethetse ka ho leboha botsamaisi ba NHTC

le Ofisi ea Motsamaisi oa Bophelo ka tšebetso ea bona e sa thekeseleng.

H'a bua lebitsong la baithuti, Teboho Tjapela o itse ho amohela lisebelisoa tsena ke tlhoholofatso e kholo, kaha li tla matlafatsa koetliso ea bona. O hlalositse hore ka nako e telele baithuti ba ne ba haelloa ke lisebelisoa, ba ne ba ithuta ka ho shebella tšebetso ea lingaka lipetlele.

O boletse hore lisebelisoa tsena li boetse li tla ba lumella ho ikoetlisa tikolohong e sireletsehileng, ho aha boitšepo le ho fumana boiphihlelo pele ba sebetsa maemong a sebele. Sena a re se tla ntlafatsa bokhoni ba bona.

D.r Paul Borgdorff o itse lisebelisoa tsena li tla ntlafatsa haholo koetliso ea basebetsi ba bophelo bo botle. O hlalositse hore h'a qala ho ruta, tsebo ea hae e ne e lekanyelitsoe ha-

holo ho feta ea baithuti ba kajeno, e leng se bontšang bohlokoa ba thuto ea boleng ho bolokeng bophelo.

O boletse hore kamor'a ho fihla Lesotho, lilemong tse tharo tse fetileng, ho ile ha qala lipuisano tsa ho ntlafatsa lenaneo la koetliso ea maemo a tšohanyetso, sena se ile sa lebisana mopolong oa ho kenya tšebetso koetliso ea boetsiso e lumellang baithuti ho ikoetlisa ntle le ho beha bakuli kotsing.

O hlalositse hore lisebelisoa tsena li sebelisa mananeo a tsoetseng pele a etsisang matšoa a bophelo joalo ka khatello ea mali, lebelo la pelo, moea le mochoso, ho bopa maemo a sebele a bongaka. Qetellong o bontšitse tšepo ea hore lisebelisoa tsena li tla matlafatsa bokhoni ba baithuti le ho ntlafatsa boleng ba litšebeliso tsa bophelo bo botle ka kakaretso.

## Komiti ea SR e khalema 'muso

### Tšeliso Thakholi

**K**omiti e Kholo ea Lekhotla la Kanana ea Basotho, e entse tlhokomeliso ho 'Musos' oa

e 'ngoe ea matlo a lijo le lino Maseru, ka la 4 Hlakola monongoaha, moo Komiti e neng e il'o tekela baphatlalatsi mabaka ao Moetapele oa SR a neng a bitselitsoe Ntlo-Khola ea sepolesa ka ona.

H'a phatlalatsa polelo ena

mente ea 11, 'me ba eletsa 'muso ho emisa hang-hang liketso tseo ba belaelang e le tsa bobolu haeba ba sa batle ha ho buoa ka tsona.

A supa hore ba boetse ba eletsa 'muso hore Moetapele oa Lekhotla la SR ke setho sa likomiti tsa

o etse liketso tse ka belaeloang e le tsa bobolu. "Ka hona Litsi tsa Tšireletso ka kotloloho tse kenyeletsang sepolesa ha li na matla a ho etsetsa Moetapele oa Kanana litšoso tsa hore a se ke a buoa ka bobolu." O boletse joalo.

A tiisa hore bona e le Komiti e Kholo, ha feela 'muso o sa emisi liketso tsa ho hanela litlaleho tsa likomiti tsa paramente tse pepesang bobolu ba 'muso, babusi ba sa latele tsamaiso ea kabo ea mesebetsi, 'muso o ntse o hana ho isa tlaleho ea Ofisi ea Mohlahlobi oa Libuka tsa 'Muso paramenteng, ba ke ke ba emisa ho buoa leha ba ka koalooa.

"Nete ena eona e tla buoa le ke mabitla kapa majoe hoba 'nete ke tutulu ha e patoe." O boletse joalo a bile a phethela ka hore ketso ena ea ho bitsetsoa ha moetapele oa bona sepoleseng ha ba na ho fella mona ka eona hobane e sisinya metheo ea puso ea sechaba ka sechaba, "re sa imamella likhato tseo re tlang ho li nka."



Lesotho hore Moetapele oa SR, Adv. Teboho Mojaepela o lokeloa ke ho hlompheoa boikarabelo boo a bo filong ke sechaba, ba ho se loanela ka mekhona eohle khahlanong le liketso tsa bobolu. Ka hona pusong ea sechaba ka sechaba ha hona mang kapa mang ea nang le tokelo ea ho etsetsa motho e mong litšoso h'a bua 'nete.

Litaba tsena lihlahetse polelong e entsoeng ke Komiti e Kholo ea Lekhotla la SR 'mokeng oa baphatlalatsi ba litaba o bileng ho

e khalemang le ho hlokomelisa 'muso ho hlompheoa litokelo tsa moetapele oa bona, Mongoli e moholo oa Lekhotla, Monghali Tjoetsane Seoka a tlatsetsoe ke litho tse ling tsa komiti ea habo o boletse hore lebaka la ho bitsetsoa ha Adv. Teboho Mojaepela Ntlo-Khola ea Sepolesa, e ne e le ho ea mo etsetsa litšoso tsa hore a tlohelle ho buoa ka bobolu ba 'muso.

A re bona e le Komiti e Kholo ba lakatsa ho hopotsa 'muso hore Moetapele oa bona ke setho sa Para-

paramente tseo har'a tse ling mosebetsi oa tsona, eleng ho lisa tšebetso ea 'muso, e le ho bona hore ha

### KHOELEHETSO HO BACHA

**Re kopa bacha bohle ba khoebong, tse ntseng li thuthuha le tse seng li**

**iphumane ba bue le**

**Moeletsi oa Basotho ho:**

**newsroom@moeletsiabasotho.co.ls kapa nomorong ea**

**WhatsApp ea +266 62600983 ho arolelana le bacha ba bang ba nang le khahleho ea ho qala**

**khoebo, empa ba sa tsebe ba ka qala joang.**

# Lekhotla le Phahameng le nka mehato

## Nthabeleng Seitlheko

**M**oahloli e Moholo oa Lesotho, Sakoane Sakoane, o re ha sechaba se sa ithute ho rrolla a mang a mathata kantle ho makhotla, se khethe ho isa likhang tsohle makhotleng, linyeoe li tla lula li le ngata 'me li ke ke tsa phetheloa ka nako. Litaba tsena li hlaleletse puong ea hae ka la 2 Hlakola monongoaha.

O hlalositse hore e 'ngoe ea mekhoha ea ho fokotsa tiehiso ea linyeoe ke ho eketsa palo ea baahloli. O itse e le karolo ea boiteko ba ho matlafatsa tsamaiso ea toka, Khomishene ea Litšebeliso tsa Boahloli, e sebelisitse matla a eona tlas'a karolo ea 120(5) ea Molao-theo ho eletsisa Motlotlehi Letsie III ho khetha baahloli ba sebetsang ka nakoana.

Moahloli Sakoane o bole-tse hore ba khethiloeng ba kenyeletsa 'Muelli Sekake Malebanye (KC), 'Muelli Tsebang Putsoane, Maserata e Moholo oa Bolulo 'Manapo Motebele, Maserata oa Bolulo Palesa Rantai le 'Muelli Tšoana Lesaona.

O hlalositse hore baahloli bana ba khethiloe ka la 1 Loetse 2025, 'me ba qalile mosebetsi ka la 16 Pherekhong, ba abetsoe libaka tse ka Leboea le Boroa ba naha.

O itse 'Muelli Malebanye le 'Maserata Rantai ba

tla sebeletsa tikoloho ea Boroa e kenyeletsang Qacha's Nek, Quthing, Mohale's Hoek le likarolo tse ling tsa Mafeteng, ha 'Maserata Motebele le 'Muelli Lesaona bona ba sebeletsa tikoloho e ka Leboea. Ka tsela ena, palo ea baahloli Lekhotleng le Phahameng e nyoloha ho tloha ho ba babeli ho ea ho ba bane.

Moahloli e Moholo o bole-tse hape hore ho lieha ha likahlolo ho senya tšepo ea sechaba kabong ea toka. O boetse a re bobolu ke e 'ngoe ea lintho tse senyang tsamaiso ea boahloli kaha bo thunthetsa tšepo le seriti sa makhotla.

Boahloli, bo ke ke ba sireletsa bokhopo kapa liphoso, kaha melao le mekhoha ea boikarabello le boitšoaroe teng 'me e tla sebelisoa ntle le tšabo kapa khethollo.

O boetse o hateletse hore botšephehi ha se khetho, empa ke motheo oa boahloli bo lokileng, bo hloekileng le bo pepenene, a supa litaelo tseo Molimo a li fileng Moshe bukeng ea Deuteronomy 16:18-20, moo a laelang hore baahloli ba ahlole ka toka, ba se ke ba khetholla kapa ba amohela tšotjo.

Leha ho le joalo, o ile a lumela hore tsamaiso ea toka e ntse e tobane le liqholotso tse ngata tse kang ho tla ha linyeoe, tiehiso le bofokoli ba mekhoha ea tšebetso, tseo kaofela li amang bahlaseluo ka kotloloho.

A re ho bile le katleho tse itseng, ho kenyeletsa ntlafatso le tokiso ea makhotla a mang Maseru le litikolohong tse ling. O boletse

hape hore palo ea linyeoe tse phethetsoeng selemong sena e phahame ho feta ea selemo se fetileng.

O hlalositse hore sena se bakiloe ke tsamaiso e ntlafetseng ea linyeoe le likahlolo tse boima tse behiloeng, tseo a reng li kenya tšabo lipelong tsa litloli tsa molao. O fane ka mohlala oa hore Lekhotla la Boipiletso le bile le linyeoe tse 106, tseo ho tsona tse 98 li phethetsoeng, ha tse ling li chechisitsoe.

O boetse a bolela hore linyeoe tse 1,274 li ile tsa ngolisoa, tse 563 tsa abeloa baahloli, 'me tse 1,090

itse ha lekhotla le buloa ba ikemiselitse ho tsoelapele ka mosebetsi le ho phetha likopo tse neng li ba emetse. O hlalositse hore le nako eo lekhotla le neng le koetsoe, ba ile ba sebetsana le linyeoe tse potlakileng tse kang likopo tsa beile le merero ea thepa ea baholo-holo.

Ramolao Mohaso o itse ho buloa ha lekala le leng la Lekhotla le Phahameng Mohale's Hoek ho tla fokotsa moroalo oa mosebetsi Maseru, kaha pele batho ba ne ba tlameha ho tloha litikolohong ba ea Maseru bakeng sa linyeoe.

baahloli e neng e baka tiehiso ea nako e telele.

President ea Mokhatlo oa Bo-ramolao, Adv. Lintle Tuke o thoholelitse Lekhotla le Phahameng ka ho bula lekala tikolohong e Boroa. O boletse hore ho khethoa ha baahloli ba sebetsang ka nakoana ho tla thusa hore linyeoe li phetheloe ka potlako.

O boetse a re Molao oa Basebetsi oa 2025 o thusitse ho fokotsa mathata a neng a tobane le lefapha la basebetsi. Leha ho le joalo, o tiisitse hore ho ntse ho hlokahala baahloli ba bangata Lekhotleng la Basebetsi ho



tsa phetheloa. Lekhotleng la Basebetsi, linyeoe tse 46 li ile tsa ngolisoa, tse 20 tsa abeloa baahloli, ha tse 5 tsona li phethetsoe.

Ka lehlakoreng le leng, Ramolao Thabiso Mohaso, ea sebeletsang Lekhotleng le Phahameng, o

O boletse hape hore mehato ona o tla boloka litšenyehelo, kaha batho ba ka Boroa ba tla fumana litšebeliso haufi le moo ba teng. Sena se tla thusa ho fokotsa tiehiso ea linyeoe Lekhotleng le Phahameng la Maseru, moo khaello ea

felisa tiehiso ea linyeoe.

A qetella ka ho ipilelitse ho 'muso hore o abele makhotla tekanyetso e lekaneng bakeng sa libuka, marang-rang, bangoli ba makhotla le lisebelisoa tse ling, e le hore toka e phethahale ka potlako le ka toka.

# Lekala le tla aha likolo tse 46

## Nthabeleng Seitlheko

**E**le ho matlafatsa thuto kahar'a naha ea Lesotho, Lekala la Thuto le Koetliso, ka tšebetso ea Banka ea Lefatše, le khakotse ka molao morero oa Lesotho Education Infrastructure Project (LEIP) ka la 29 Pherekhong monongoaha.

Letona la Thuto le Koetliso Prof. Ntoi Rapapa o hlalositse hore lekala le tobane le qholotso e kholo ea khaello ea meaho ea ho rutela, matloana le lisebelisoa tsa thuto. A re lekala le ntse le etsa boiteko ba ho fumana tšebetso machabeng.

Rapapa o itse khaho ea likolo e tla qala selemong sena sa 2026, ka tšebetso ea Banka ea Lefatše, 'me kakaretso ea likolo tse tlang

ho ahoa ke 46 naha ka bo-phara. O boetse a hlalosa hore Sekolo sa Mathomo sa Leponesa se tla abeloa li'computer' tse 20, e leng karolo ea morero oa ho matlafatsa thuto ea bana ba Basotho ka mahlale a sejoale-joale.

H'a phethela o boletse hore morero oa LEIP ha o matlafatse feela meaho ea likolo, empa o boetse o fana ka thepa ea ho rutela le lisebelisoa tse tla thusa litichere ho phethahatsa mosebetsi oa bona ka katleho.

Ka lehlakoreng le leng Letona la Lichelete le Meralo ea Ntšetsopele, Dr. Retšelisitsoe Matlanyane, o bontšitse hore Sekolo sa Mathomo sa Leponesa, se khethiloe har'a likolo tse tla una molemo morerong ona, kaha sepheo sa 'muso ke

ho atolosetsa thuto ea boleng ho bana bohle ka ho ntlafatsa meaho ea ho rutela.

Dr. Matlanyane o itse barutoana ba qeta nako e telele ba le sekolong, ka hona ho bohlokoa hore liphaposi tsa ho rutela li be maamong a matle le a sireletsehileng. Leha ho le joalo, o supile hore khaello ea metsi a hloekileng ke e 'ngoe ea liqholotso tse kholo sekolong seo.

O boetse o hlalositse hore ntšetsopele ea thuto ke mosebetsi oa tšebeliso-'moho, ke ka hona Banka ea Lefatše e nkang karolo ho matlafatsa bokamoso ba bana ba Basotho. Dr. Matlanyane a ipiletsa ho Lekaleng la Bophelo hore likolo li be le litšebeliso tsa bophelo bo botle, e le hore bana ba fumane thu-

so hang-hang ha ho hlaha bothata.

A bua lebitsong la Banka ea Lefatše Dinara Djoldosheva o hlalositse hore sepheo sa banka ke ho tšehetsa Lesotho, ho netefatsa hore ngoana e mong le e mong o fumana thuto ea boleng. O itse letsatsi leo e ne e se la thabo feela ho Lekala la Thuto, empa le ho Banka ea Lefatše, kaha le bontša kamano e tiileng ea tšebeliso-'moho lipakeng tsa banka le naha ea Lesotho.

O boetse a supa hore Banka ea Lefatše e se e le nako e telele e sebetsa haufi-ufi le Lesotho, 'me ke tlotla ho bona likamano tseo li ntse li matlafala. O hlalositse hore morero ona o tla thusa barutoana hore ha ba qetile lithuto, ba be le menyetla e metle ea ho fumana meseb-

etsi e amanang le mangolo a bona.

Mongoli e Moholo oa Lekala la Thuto le Koetliso, Ratšiu Majara, o bole-tse hore boholo ba likolo, e ka ba tsa Mathomo kapa tse Phahameng, li tobane le bothata ba litichere tse rutelang liphaposi tse seng maamong a matle. A tiisitse hore likolo tse 46 li tla ahoa ka tšebetso ea Banka ea Lefatše, 'me Sekolo sa Mathomo sa Leponesa ke se seng sa tse tla una molemo.

Mosuo-e-Hlooho oa Sekolo sa Mathomo sa Leponesa, Pakela Pakela, o lebohile 'muso le balekane ka keketso ea liphaposi tsa ho rutela, matloana a litichere le a barutoana, kaha meaho eo e ne e se e le maamong a mabe. O supile hape hore e 'ngoe ea liqholotso tse kholo ke khaello ea metsi a hloekileng, kaha sekolo se sebelisa metsi a bolokiloeng nako e telele ka meqomo.

# O totobatsa bohlokoa ba phepo ea bana



## Nthabeleng Seithleko

**M**otlotlehi Let-sie III ka boemo ba hae e le Moetapele oa Litaba tsa Phepo, o ile a etela polasi ea thuto ea Eternal Flame Malealea hammoho le morero oa Eco Cook Bag o tsamaisoang ke Malealea Development Trust, moo a ileng a bona hore temo le boqapi li ka ntlafatsang phepo ea bana le bophe-

lo ba malapa. Litaba tsena li bile ka la 30 Pherekhong monongoaha.

Ketelo ena e bontšitse ka ho hlaka hore phepo e nepahetseng ea bana e qala temong e tsitsitseng, tsebong ea phepo le boiphelisoNG ba malapa. Merero e etsoang Malealea e ruta sechaba ho hlahisa lijo, ho li pheha ka mokhoa o bolokang boleng ba tsona, le ho fokotsa tlala e amang bana haholo-holo libakeng tsa mahaeng.

H'a bua ketelong ea hae,

Motlotlehi o itse merero eo a e boneng e tšehetsa ka kotloloho boikarabelo ba hae ba ho loanela phepo e nepahetseng ea bana, a totobatsa hore bana ba phetseng hantle ke motho oa thuto e ntle, kholo e nepahetseng le bokamoso bo tsitsitseng ba naha.

O tsoepele hore o bona boitelo le boqapi ba Basotho litabeng tsa temo eleng ho totobatsang boiphihlelo le lerato la ho phela hantle. Ba lokela ho loantša bokakachelana hore Lesotho e be naha e nang le sechaba se phetseng hantle. "Khoho e ntle ea ngoana e mo thusa ho etsa liqeto tse nepahetseng" A rialo.

A re qholotso e tisoang ke phetoho ea boemo ba leholimo, e ama sechaba le bophelo bo botle ba sona, bohle ba lokela ho nka boikarabelo, malapeng ho be le liratsaana le libakeng tsohle, moo mobu o ka hlahisang lijo.

Morena Moholobela Moholobela oa Matelile o bontšitse kananelo ea hae, a re sechaba sa Malealea se qala ho tsejoa ka mesebetsi e metle e kang ho sireletsa bana, ho fana ka lijo le ho matlafatsa malapa, ho fapana le mathata a neng a kile a ama sebaka seo.

Ka lehlakoreng le leng,

Kenneth Dunn, CEO ea Eternal Flame Worldwide, o re ebang mehloli ea tlhaho eo Basotho ba nang le eona e ka sebelisoa ka bohlale, bana ba ka fumana lijo tse lekaneng, phepo e nepahetseng le tikoloho e ba nolofalletsang ho hola hantle. O ile a tiisa hore temo ea thuto ke senotlolo sa ho feli-

sa tlala le bofuma bo amang bana melokong e mengata.

Ketelo ena ea Motlotlehi e boetse e totobalitse hore ho tsetela temong le phepong ke ho tsetela bokamosong ba bana ba Basotho, kaha bana ba fepiloeng hantle kajeno, ke baetapele ba matla ba hosane, ba tla tseba ho etsa liqeto tse nepahetseng.



# Ba sireletsa mekhoaabo le mehloli

## Nthabeleng Seithleko

**N**akong ena eo lefatše le tšoeang tšireletso ea mehloli le mekhoaabo, Lekala la Lihloliloeng le babatsa tšebetso e matla le boikitlaetso ba Basotho ho netefatsa polokeho le tšireletseho ea mekhoaabo le mehloli kahar'a naha. Litaba tsena li hlahelletse ka la 2 Hlakola monongoaha.

Mookameli Lefapheng la Metsi, Christina Makoae o re basali ba lokela ho nka karolo litabeng tsa liphelelo tsa ntšetsopele ea mo-shoelella haholo ha ba bua ka metsi a hloekileng, ba tsoelepele ho ikobela melao e tataisang tšireletso le polokeho ea mehloli mol-emong oa bophelo bo botle.

A re Basotho ba lokela ho baballa tikoloho le mekhoaabo hobane ke eona e tl'o ba thusa hore phetoho ea boemo ba leholimo e se ke ea imela naha haholo. A re naha e ntlafatse mehloli le mekhoaabo ka ho kenyeletsa balisana le sechaba

sohle. O re ha ba batle ho fihla boemong boo ba tla sitoa ho lema lijalo tsa metafuta eohle hobane phetoho ea boemo ba leholimo e se e nkile taolo, linaha tse ling li se li fihlile boemong boo hona joale li seng li sitoa ho itlhalisetsa lijo.

E mong oa balisana seabakeng sa Tlang Ha Lengau, Neo Ramaele, o re ba thehile mokhatlo oa balisa, moo ba thakelanang ka malebela litabeng tsa ho paballo ea mekhoaabo le mehloli. O re mokhatlo ona o ba thusa hore ba tsebe mekhoaabo eo ba e sebelisang ho ntlafatsa tikoloho ea ha bo bona kaha bophelo ba bona bo itšetlehile tlhohong.

O re ka lebaka la ona ba se ba tseba ho nkelana likhato, ba na le litsebo tse fapakana le ho tlaleha moo tlole ea molao e etsahalang, kaha ba hloaile libaka tseo liphoofole li noellang ho tsona. O re ba ikemiselitse ho bona hore batho bohle ba utloisisa litaba tsena hoba polokeho ea tikoloho ke polokeho ea boieane ba tlhohleho 'me ba lokela ho e baballa eseng ho e hlorisa.

'Malimpho Seoela o

hlalositse hore ka linako tsohle ba lula ba tšehetsa balisana ba bona le ho ba hlokomelisa ka bohlokoa ba ho boloka tikoloho e hlompheha hobane bophelo ba bona bo itšetlehile ho eona. O re ba ile ba koet-

lisoa ke lekala e le basali, ba se ba tseba boikarabelo ba bona bo etsang hore ba atlehe ho fihlela polokeho e ntlafetseng ea tikhoholo.

A re qholotso e kholo eo ba tobanang le eona ke ea balisana ba lisetsang me-

khoaabong 'me ba ile ba tla ka leano la hore sebaka seo se kampeloe e le hore se sireletsehe kaha e le mohlo-ling oa oa metsi. O re hona joale ba tsamaea ka liphatla tse phahameng kaha bohle ba utloisisa boikarabelo ba bona ba ho sireletsa le ho boloka tikhoholo e sireletsehile.





# TSA KEREKE

## O hloesetsoa bopristeng

### Staff

**E**bile thabo e khaphatsehlang ho bakriste ho hlaha ka libaka ka ho fapakana ba tli'o inoesa ka nkho ha Rev. Fr. Sidwell Isaac Moerana a hloesetsoa mokhahlelong oa boprista. Tsena li etsahetse St. Joseph Koro-Koro deanery ke ea Mazenod, tikolohong e kholo ea Maseru, ka la 31 Pherekhong monongoaha.

Litšebeliso li simollotsoe ka Sehlabelo se Halalelang sa 'Missa se eteletose pele ke Moarekabishopo Tlali Gerald Lerotholi OMI, a tlat-sitsoe ke baprista ba banga-

li phela kapa ho li etsetsa phutheho ea Morena Molimo. A khothaletsa bakriste hore ba lule ba thabile ka linako tsohle, ba rapele le ho leboha Morena Molimo linthong tsohle.

H'a laea moprista e mocha o itse a itšoarelle ka ea mo bitsitseng, 'me o tla beha litholoa tse molemo. A re mosebetsi o mong oa moprista ke ho thabisa phuthetho le ho e khotsofatsa ka ho ruta Lentsoe la Morena Molimo. A re o thabile haholo hobane o fumane mahlo a macha le litsebe tse ncha tse tla loanela thepa ea kereke.

A phethela ka hore selemono sena se tšoere litaba tse monate, ebile o se rehile 20

ba qetile leeto la bona. A re selemong sena Morena Molimo o ba hopotse 'me o'a leboha.

Lebitsong la Lekhotlana 'm'e Alphoncina 'Nona o lebohile bohle ba kentseng letsoho, haholo ka lithapelo hore morero ona o phethahale ka katleho, esitana le lelapa la Moerane ha le ile la fana ka ngoan'a lona. Lebitsong la lelapa, ntate Thabiso Francis Moerane a leboha baprista ba koetlisit-seng ngoan'a bona, a leboha le kereke e amohetse ngoan'a bona.

Rev. Fr. Sidwell Isaac Moerane o lebohile batsoali, bakoetlisi ba hae, baprista bohle, likopano tsohle tsa kereke le bakriste ba ileng



ta le bateakone.

Khothatsong ea hae o ile a qala ka hore a itšetlehe ka thapelo ea Francis ea Halalelang hobane e fupere tsohle tseo a tlamehang ho

sebetsa. Joale kaholimo ho tsohle se ba file bateakone ba 6 kaofela ba tlang ho hloesetsoa bopristeng, ka hona e se eka Morena Molimo a ka ba thusa ho fihlela

ba mo tšehetsa ka lithapelo tsa bona. A re ba se khaotse ho mo rapella hore Moea o Halalelang o tle o mo tataise mosebetsing ona oa Morena Molimo.



## 2025-2026 SELEMO A

### SONTAHA SA 5 HAR'A SELEMO

Isaia 58:7-10

Pesalema 111

1Bakorinthe 2:1-5

Matheus 5:13-16



### Khothatso

### Letsoai le leseli la lefatše

**H**a re bala likoranta, kapa re mametse litaba tsa se-ea-le-moea, re utloa litaba tse nyarosang, tse kang tsa likotsi, bosholu, lintoa, linyeoe, lipolaeano, le mefereferere. Ka nako e 'ngoe, lietsahala tsa mofuta ona li hlaha moo re leng teng, re li bona ka mahlo. Re qakama koana le koana, feela ha re etse letho ho phallela ba hlokang thuso ea rona, re lebeletse feela hore e be ba bang ba re hlahang thusong.

Athe, kajeno, Kriste o re hopotsa hore tsoanelo ena ke ea mokriste e mong le e mong; re tsoanetse ho ba letsoai la lefatše, le leseli la lona, ke hore liket-sahalang tsohle tsa bophelo, tse kholo tse kang tseo re qetang ho li bolela kapa tse nyenyane tsa mehla ena, ke hore tsa matsatsi ohle, re tsoanetse ho khantsetsa bohle ka metsamao ea rona e metle, ka lipolelo tsa rona tse khothatsang, le ka mehlala ea bophelo ba rona.

Motho ea molemo, ea tloatseng ho etsa tse molemo, ke leseli la bohlokoa hohle moo a leng teng. Ha ntho efe kapa efe e ka hlaha, ho baleheloa ho eena, hobane ekasita a ka hloloa ho etsa letho, ho ba teng ha hae ho tla khothatsa 'me ho ka busetsa ntho tsohle malulong.

Lerato la 'nete le behang litholoana le tsoana le lerato la Molimo 'me ke bopaki bo tšepahalang ba lona. Efela, leha re phatlalatsa hore re rata Molimo, lithapelo tsa rona tse telele le liketso tsa rona tsa borapeli ha li na thuso, ho feta mona li tlotlolla Molimo, ha re hloea e mong oa bana ba bo rona, kapa re hana ho thusa mohloli ha re e-na le matla a ho etsa joalo.

Ka nako e 'ngoe re belaela ka hore Morena Molimo ha a utloa lithapelo tsa rona, athe ka mohlomong, lebaka-baka, ke hobane re hloea motho e mong, 'me baka leo lerato la Molimo ha le eo ho rona. Ke 'nete re ka sitoa ho phomotsa bohle ba lapileng, kapa ho apesa bohle ba hlobotseng, empa Molimo o kopa feela hore re etse kamoo re nang le matla kateng. Tabeng ea ho tsoarela motho ea re sitetsoeng, kapa ho hlaha thusong motho eo re sa mo tsebang, empa a hloka thuso ea rona, ke tsoanelo ea rona bohle kamehla.

Re se ke ra lebala matla a mohlala o motle. Batho ba tlhohetse ho etsisa motho oa Khotso, ea tsebang ho tsoarela 'me ea se nang lehloeo. Hanga-ta-ngata batho ba boithatelo bo botle ba hloka mohlala, ba hloka moeteli-pele, lesupa-tsela, 'me hang ha ba se ba behetsoe mohlala ba phakisa ho o latela.

Re se ke ra lebala le teng hore ea ratang ngoan'a bo ka lerato la 'nete la sekriste, ke hore ea ikemiselit-seng ho thusa mang kapa mang ea hlokang thuso ea hae, motho enoa o paka lerato la hae ho Molimo, 'me haeba a ka ba tsietsing, Molimo o tla phakisa ho mo hlaha thusong.

Motho ea ratang ngoan'a bo joalo, ke letsoai le leseli la lefatše. Ho bitsoa joalo ke hlomphe e kholo, hobane hantle-ntle, mabitso ana a lokela Kriste feela: ke eena feela eo e leng letsoai la 'nete la lefatše, ke eena feela leseli la lichaba. Empa mokriste ea phelang bophelo ba hae ba tsatsi le leng le le leng ka botšepahi, a ntse a itšoaretse ka mehlala ea kriste, 'me a thusa bohle ba hlokang thuso ea hae, mokriste enoa ke molateli oa Kriste ka setšoantšo sa hae, ke Kriste e mong ruri. O ntšetsa mosebetsi oa Kriste oa topollo ea batho ka matsatsi 'ohle a bophelo ba hae mona lefatšeng. Joaloka Kriste, ka baka la Kriste, ke eena le ho eena, ke letsoai le leseli la lefatše.

Re ka ipotsa joale hore na e mong le e mong oa rona a ka ipitsa leseli le letsoai. Ka bomalimabe, re tlamehile ho bolela hore, leha re ntse re iteka, re sa le hole le ho bitsoa joalo.

Batsoali ba rutang bana ba bona ho tseba, ho rata le ho sebeletsa Molimo, ka lipolelo le ka mehlala ea bona, ba ipitsa leseli la bana ba bona.

Basebetsi ba sebetsang ka botšepahi le ka lerato, ba hlonphang Morena Molimo lipolelong le liketso tsa bona, 'me ba loanela toka le Khotso, ba ka ipitsa letsoai la lefatše moo ba sebetsang teng.

Bohle ba ikamohang karolo ea maruo a bona, e le hore ba tsebe ho thusa ba bang ka o'na, ke balateli ba 'nete ba Kriste 'me ba sebelisana le eena ho khutlisetsa ho ntat'a bona bana bohle ba hae ba lahlehileng.

A re hopoleng hore bophelo ba rona mona lefatšeng bo bokhutšoanyane haholo. Litšoanelo tsa rona bakriste li thata ka nako e 'ngoe, empa re tseba hore, ha re ka li phetha ka botšepahi, re tsoana le Kriste, re ntšetsa-pele mosebetsi oa hae oa ho ba leseli le letsoai la lefatše, ka ho behela ba bang mehlala e metle, 'me ka hona, re tlotlisa Morena Molimo, 'me re itokisetse ho fumana leseli la bosafeleng leholimong.

### Bahalaleli har'a Beke

9	Hlakola	Teilo
10	Hlakola	Erluph
11	Hlakola	Paschal
12	Hlakola	Ludan
13	Hlakola	Lezin
14	Hlakola	Maro

# Berea Ladies e apere nkoa



neng ba bapalla ho lona, ba ka be ba ikhapatse papali eo. Ho latela maemo a eona lokong, e ntse e e-na le monyetla o moholo oa hore e ka phethahatsa toro ea eona. Ha eka hlola LDF Ladies mafelong ana a beke e tla be e nyolohela boemong ba bobeli lokong ka lintlha-kholo tse 20. Papali ena kaha ke ea tse ling tse matla haholo ho lebeletsoe barati le batšehetsi ba bolo ea maoto ea basali le batšehetse bohle ba lihlopha ka bobeli ho ea tšehetsa lihlopha tsa bona.

Ho sa le joalo, lipapali tse ling tse bapetseng, tse neng li saletse morao, ke moo Bokamoso Ladies e ileng ea hlola LMPS Ladies ka 1-0, Lijabatho Ladies ea hlola Mawes Ladies ka 4-0, FC Stoko e bonahalang e hula ka boima selemong sena ea pitikisa mahe le Mphaki HS Ladies(0-0). Athe LDF Ladies ea khakhatha sehlopha se secha se sa tsoa fihla liking e khohlo sa Villa Ladies

## Tšeliso Thakholi

**M**afelong ana a beke ho tla lubeha ha lihlopha tse peli tsa bolo ea maoto ea basali li tseka ho hapa Women Super League, e leng sa Berea le LDF e ntseng e li hula pele lokong. Li tla be li boetse li thulana mokhahlelong oa ho qetela oa lipapali tsa liki tse tlii'o bapalloa lebaleng la Setsi sa Koetliso ea Sepolesa, Maseru ka Moqebelo.

Le ka 'na la otlala le phalla haeba LDF e ka boela ea hlola Berea, kamor'a ho e shashara ka thupa e bohloko ea 1-0 mokhahlelong oa pele oa liki, o neng o bapalloa lebaleng la Boemafofane ba Sesole ba Mejametalana, Maseru ka la 12 Mphalane ngoahola. Berea Ladies e ntseng e le letšolong la ho hapa liki selemong sena e boemong ba boraro, e hlahlangoa ke Lijabatho Ladies boemong ba bone.

Mokoetlisi oa sehlopha sa Berea Ladies Monghali Lehloenyane Nkhasi ile a bolela pejana ho papali ena hore mosebetsi oa mantlha oa bona ke hore ba hape lipapali tsohle tseo ba tlang ho li bapala, 'me haele tsohle li se li tla iketsa. H'a tsoelapele o boletse hore lipapali tse ka bobeli li bohlokoa haholo kaha Berea Ladies e batla ho hapa bompoli ba selemo sena, ha LDF Ladies eona e batla ho matlafatsa maemo a eona lokong ka ho phamola Kick4Life Women bompoli ba Liki e Kholo.

Libapali tsa Berea Ladies li itšupile papaling eo ba tsoa e bapala ea liki khahla-

nong le bompoli ba bolo ba Kick4Life Women e neng e saletse morao, ha ba ne ba bapala ka seahlolo sa 1-1 lebaleng la motebo oa Sesole oa Makoanyane, ka sontaha se sa tsoa feta

hore se na le boiphihlelo papaling ea bolo ea maoto. Ho lekanya lintlha le Kick4Life Women e bonahalang e le kotsi haholo ha se ntho e nyenyane, le ha e ile ea boela ea phonyoha

ka lesoba la nale hore ebe li qeteletse li bapetse ka ho lekana.

Berea Ladies e bapetse bolo e ntle haholo hoo hoja e se ka maemo a seng matle haholo a lebala leo, ba

## Matlama e roalla le sa sele

### Tšeliso Thakholi

**K**amor'a ho leleka le ho amohela mokoetlisi e mocha e leng Monghali Thabile Secker, sehlopha sa bolo ea maoto sa Matlama 'Tse Putsoa' tsa Maseru, se amohetse le ho tekena libapali tse ncha tse tharo le ho kalimana ka tse tharo, ka morero oa ho matlafatsa sehlopha lipapaling tse tsa mokhahlelo oa ho qetela oa liki.

Ho ea ka raliphatlalatso oa sehlopha Themba Talane, o re libapali tse ncha tse tekenneng ke bahlabalantlha e leng Morapeli Lesoetsa ho hlaha sehlopheng sa Liphakoe, Tšele Rankhasa ho tsoa sehlopheng sa Black Five sa Mokhotlong. Haele Seepa Ntsane eena ke 'mapala-hare, o tsoa sehlopheng sa Mokhahlelo oa A Division sa Qoaling Highlanders. Boraro bona bo tekenne nako ea selemo le likhoeli tse 6.

Ho tekenoa ha libapali tse ncha ho tla tjena e le ho latela boiphihlelo ba bona selika-likoeng sa bolo ea maoto e le libapali, 'me tšepo e kholo ke ea hore ba tlii'o lopolla Matlama har'a boliba boo e sesang kahare ho bona, ba ho hloleha ho hapa lipapali tse 'maloa liking.

Athe Kotelo Khottlelo ea

neng a alingoe sehlopha sa Lifofane, o re sehlopha sa habo se mo latile, 'me sa alimana ka eena ho Majantja nako ea likhoeli tse tšeletseng. A re Mpho Ntsele le Lehlohonolo Tale bao e neng e ntse e le libapali tsa bona ba alimane ka bona ho Qoaling Highlanders nako ea likhoeli tse 6.

Ho feta mona, 'Tse Putsoa' li nkile Thabile Secker hoba mokoetlisi e mocha oa sehlopha ho phethela lipapali tse setseng tsa liki, eo le eena a nang le nalane e ntle haholo bolong ea maoto, ea ho sebetsa ka thata ho hapa mehope. E le ho netefatsa taba ena boteng ba hae lekhetlo la pele ka-

har'a sehlopha sa Matlama, o se a hapile papali ea hae ea pele khahlanong le Bantu mafelong ana a sa tsoa feta beke, ka ho e pola ka phafa ea 2-1. Hona ke sesupo sa hore lekhetlong lena bahlankana ba Matlama ba tla bapala hantle haholo ho fapana le nakong ea ho feta.

Lekhetlong lena libapali tsa Matlama li tšepisa balateli ba sehlopha papali e fapaneng hole le eo ba neng ba ntse ba e bapala mokhahlelong oa pele oa liki, 'me ba tlii'o tiisa haholo ho hapa lipapali tsa bona tse setseng.

Hajoale sehlopha se li hulung pele lokong ea Vodacom Premier League ke

Lijabatho ka lintlha-kholo tse 38, bobeling ke Lifofane ka 35, borarong ke LDF ka 32, Lioli eo e leng eona e sireletsang mohope, e boemong ba bone ka 31, bohlanong ke Bantu ka 31, Majantja e boemong ba botšelela ka 30, maemong a bosupa ke Matlama ka 30, ha Linare e le boemong ba borobeli ka 26.

Ka Moqebelo oa la 7 Hlakola 2026, LU FC e hulung ka boima ke eona e tlii'o amohela sehlopha sa Matlama lebaleng la Bambatha. E be sehlopha se ntseng se kotsometse sa maratsoana sa Lijabatho se etela Linare lebaleng la S.Thejane Technical Centre, Maputsoe.



# Lesotho le'a kikitlala ho FIFA

## Tšeliso Thakholi

**K**amor'a hore Naha ea Lesotho e hlolehe ho phunyeletsa ho ea lipapaling tsa Mohope oa COSAFA le AFCON, le nyolohile ka senoko se le seng ho tloha ho 144 ho ea ho 143 lethathamong la Mokhatlo oa Bolo oa Le-fatše (FIFA), 'me le se le le kaholimo ho Botswana ka ntlha e le 'ngoe lethathamong le ntšitsoeng ka Tšitoe ngoahola.

Ho latela lethathamano lena, ho tloha ngoahola ka khoeli ea Mphalane, Pulungoana le Tšitoe, Naha ea Lesotho haesale e le boemong ba bo-144. Kajeno le nyolohetse boemong ba bo-143, ha Afrika teng lenyolohile ka linoko tse tharo le le boemong ba bo-42, Botswana e ntse e le katlase e leng boemong ba bo-43.

Boemong bona ho bona-halang Naha ea Lesotho e hlile e kikitlala, ho bonahe-tse hantle kamor'a hore Likuena se shapuo 7-0 ke Morocco lipapaling tsa ho phunyeletsa tsa Mohope oa AFCON, khalala ea Morocco e leng Brahim Diaz o ne a iketsetsa borata ka



Likuena. Sa boela sa hloloa ke Central African Republic ka 3-1. Joalokaha e ka ha ho oa lekana, sa poloa ke

Gabon 2-0. Tsena kaofela li etsahetse ngoahola 'me sehlopha sa naha se ne se bapala Mokhahlelong oa B.

Ba bang ba balebelli ba litaba tsa lipapali, ba re Naha ea Lesotho e tena e hloloa tjena ho ntlafatsa maemo a

eona lethathamong la FIFA ke maemo a teng hajoale a tlhokahalo ea mabala, ho tloha boemong ba lihlopha tse tlase ho tla fihla boemong ba lihlopha tse kholo tsa naha. Ba re taba ena ea mabala ke sesosa sa hore ebe naha ha e sebetse hantle lipapaling tsa machaba.

Ba re bothata bo bong bo boholo ke khaello ea batšehetsi ba lihlopha tsa liliki ka ho fapakana ha tsona. Ho feta mona ba tiisa hore litlholisano tse bapaloang ke lihlopha tse kholo e leng tsona tse fepelang lihlopha tsa naha li fokola haholo, 'me sena se etsa hore maemo a bolo Lesotho ebe a tlase haholo.

Ba ipiletsa ho President e ncha ea LeFA, Lijane Nthunya ho tlola matjato ho bona hore Lesotho leba le mabala a boemo ba machaba, ka ho sebetse 'moho le 'muso, kaha e le ona o nang le matla a ho bona hore mabala a maemo a holimo a ba teng. "Se seholo seo re se hloakang ho President Nthunya ke ho bona papali ea bolo e fetoha mosebetsi, 'me libapali tsohle tsa liki e kholo li lefshoa khoeli le khoeli." Ba rialo ba bile ba eketsa ka hore sena se ka holisa papali ea bolo haholo kahar'a naha.

## Lipannoe tsa Mohope oa COSAFA



## Tšeliso Thakholi

**L**inaha tse 11 tsa bolo ea maoto ea basali tse tlo qothisana lehlokoa litlholisanong tsa bo-13 tsa

Mohope oa COSAFA Women's Championship, tse tlii'o tšoarelola Polokwane, Afrika Boroa, ka la 18 Hlakola ho isa la 1 Tlhakubele monongoaha, li ile tsa laoloa ka lotho ketsahalang e bileng naheng ea Afrika Boroa ka

la 4 Hlakola 2026. Naha ea Afrika Boroa eo e leng eona e tlang ho amohela baeti, hammoho le bompoli ba seng ba ile ba hapa mohope ona ka 2023 e leng Malawi ba pannoe le Lesotho le Angola Mokha-

### MASERU MASTERS LEAGUE 2026 Li bapetse tjena:

#### 2 Hlakola 2026

<b>Scorpion</b>	<b>3-2</b>	<b>Sekoele</b>
<b>9Nine</b>	<b>2-2</b>	<b>Fatseabua</b>
<b>Castle XI</b>	<b>3-2</b>	<b>Seapoint</b>
<b>Black XI</b>	<b>2-1</b>	<b>Abia Masters</b>
<b>Ramblers</b>	<b>1-1</b>	<b>Semetletsa</b>
<b>Boqate</b>	<b>1-1</b>	<b>Deportivo Athletic</b>
<b>A. Masters</b>	<b>0-0</b>	<b>Lesotho Legends</b>

### Li tla bapala tjena:

#### 8 Hlakola 2026

<b>D.Athletics</b>	<b>vs</b>	<b>Fafatsa</b>
<b>Sekoele</b>	<b>vs</b>	<b>Gladiators</b>
<b>S.Black</b>	<b>vs</b>	<b>Abia Masters</b>
<b>L. Legend</b>	<b>vs</b>	<b>Castle XI</b>
<b>Fatseabua</b>	<b>vs</b>	<b>Africa Masters</b>
<b>Semetletsa</b>	<b>vs</b>	<b>9Nine</b>
<b>M. Masters</b>	<b>vs</b>	<b>Ramblers</b>

hlong o matla haholo oa A. Haele naha e tšireletsang mohope ona ea Zambia e tlii'o kolokochana le Botswana, Eswatini le Zimbabwe Mokhahlelong oa B. Ona ke o mong oa mokhahlelo o lebeletsoeng hore ho tlole litlhase.

Athe Mokhahlelong oa C teng ho tlii'o kopana linaha tse kang Mozambique, Namibia le Madagascar.

Naha e tla atleha ho hlaha maemong a pele e tla feta la mokhahlelong o hlahlang oa seka-makhahlakhang. Barati le batšehetsi ba bolo ea maoto ea basali ba lebelletse ka thahasello e kholo hore Lesotho tlas'a mokoetlisi ea hloahloa oa Mehalalotse Monghali Shalane Lehohla le tla fihla ho makhaola-khang a mohope ona.